


ARUBA DUSHI TERA

Un tiki di nos historia

HISTORIA DI CIERTO PARTINAN DI ARUBA



SANTA CRUZ: Manera custumber spañonan tabata subi terra na Savaneta. Nan tabata drenta e isla y namas o menos e centro nan a traha un cruz. E lugar caminda e prom, cruz a wordo pon, te ainda yama Santa Cruz. Esaki na memoria di e hecho cu na 1968 un cruz grandi cu tabata wordo ilumina anochi, a wordo poni riba punta di un seroe na Santa Cruz.

PAARDENBAAI: Comercio di cabai a crece masha hopi y gobierno a laga comerciantenan, cu tabata ocupa nan mes cu importacion y exportacion di e bestia aki, establece na Aruba. E arubianonan mes tabata busca e bestianan aki na costa di Venezuela y Colombia. E marineronan arubiano tabata asina conoci cu e laman y e costa, cu arubianonan a bai Goajira y tabata pasa pa comerciante.

Ora e cabai y buriconan yega akinan, nan tin hopi hamber y tabata hopi swak. Pesey nan tabata laga e bestianan come yerba y busca cuminda pa un temporada cortico. Semper tabata mas o menos e mesun cantidad, ya asina lo tin suficiente yerba. En todo caso, e cabainan ta come y haña forza y asina nan por a wordo exporta pa islanan den norte.

Dor di scarcedad di instalacionnan den haf e descargamento di e bestianan aki tabata sosode na e siguiente manera. Ora un bapor drenta haf, e comerciante tapone e cabai riba dek. Dos miembro di e tripulacion di e bapor ta tira e cabainan for di e bapor y asina nan ta landa bai serca esun para riba terra. Dor di e manera di desembarca aki, e haf di Aruba a haña e number di

Paardenbaai.

COMMANDEURSBAAI: Den siglo 17 y 18 Savaneta, mescos cu den periodo spaño, tabata un haf di transito, unda algun ambtenaar di e compania, e commandeur, tabata biba. E bahia banda di Savaneta te ainda ta wordo yama Commandeursbaai.

FRANSE PAS: Na siglo 17, probablemente, francesnan a ataca Aruba. Piratanan frances, e tempo ey, en berdad tabata cana rond den Caribe. Segun ta wordo papia, un cacique a trata na wanta e piratanan den un gang smal cu despues e haña e number di Franse Pas of Rooi Frances (esaki no ta para den historia).

Pero e cacique y su indjannan a hui y a bai sconde den e grot na Canashito. E blafmento di un cacho a reda e escondite di e indjannan pero e francesnan nan a bin mied di drenta den e grot y nan a sende candel di dilanti di e entrada y e indjannan a stik muri.

MARAWIEL: Na Aruba tin masha poco number di lugar cu tin un origendi papiamento y cu por wordo splica. Un lugar asina ta Marawiel, un palabra cu ta parece exotico y cu porta di e idioma di e indjannan. Pero esaki no ta e caso. Durante transportacion di oro den siglo pasa, tabata haci uso di burico. Despues a cuminsa usa tractor y riba un dia cu awa tabata yobe masha hopi mes, e tractor a keda pega den terra y mester a mara cabuya na e wielnan pa pon, corre atrobe. E loke a sosode tabata combersacion di e dia ey y asina e lugar a haña e number di Marawiel.

VADER PIET: Un otro lugar banda di costa Norte tin e number asombroso di 'Vader Piet'. Na 1829 tabata biba den e barío aki un tal Piet Lampe, un afortunado agricultor, kende tambe tabata tira un bista riba e distrito aki. Piet Lampe a muri na un manera tragico; el a wordo asesina. Dor di su bon caracter y tratamento humano pa cu su personal, e tabata wordo yama Vader Piet, un number cu a pasa rond e distrito. E pakico cu e lugar no tabata wordo yama 'Tata Piet' sino 'Vader Piet' (na hulandes) ta pa motibo cu probablemente den e tempo ey famia Lampe tabata papia hulandes na cas.

SAVANETA: e prome capital.

Savaneta ta e colonia di mas bieuw di Aruba, pero e number a nace na aña 1840. Probablemente e lugar aki tabata wordo yama simplemente "e haf" den tempo spaño. Den periodo hulandes e tempo Commandeursbaai a drenta na vigor.

Durante 1790 e commandeur a bai Ponton y despues pa e ciudad chikito di Paardenbaai; e number Commandeursbaai tabata masha poco usq y e lugar a haña e number di Savaneta (sabana chikito) na aña 1840, como resultado di e cultura "cochinelle", asina pa distingui Sabana Grandi cu ta situa west di e riw.

SAN NICOLAS of SHON NICOLAS: E centro industrial importante aki, unda e refinaria ta situa ta debe su nacemento na e explotacion di fosfaat na 1879 y despues. El a wordo yama na un antiano doño di e

terreno, Nicolaas v/d Biest. Doñonan di e terreno e tempo ey tabata wordo yama dor di nan trahadornan, na nan number, pero cu 'Shon' dilanti, por ehempel Shon Nicolas.

For di Shon Nicolas a nace e number San Nicolas. E territorio cu ta sera rond di e refinaria ta wordo yama Seroe Colorado, un number cu Lago a duna e lugar aki na 1958. E empleadonan di Lago tabata biba na Seroe Colorado.

ORANJESTAD: Bisto ta cu e number Oranjestad a nace for di e cas gubernamental "Huis van Oranje". E ciudad a nace durante 1790, tempo cu hendenan blanco a bin biba aki. Dor cu Paardenbaai tabata mihor situa cu Commandeursbaai, e habitantenan aki a traha nan cas aki. Un ciudad a nace y na 1796 a traha un forti, Fort Zoutman, pa proteha e ciudad. E colonia nobo, caminda e commandeur tambe a bai biba, ta wordo yama Playa.

Durante un bishita di e gobernador na 1824, a papia durante un cena cu varios arubiano, cu e capital mester di un number. Asina e capital a haña su number Oranjestad. E pueblo di Aruba semper a yame Playa. Oranjestad tin cu gradici su number na un bon haf.

LUGARNAN CU ORIGEN INDJAN

Andicuri, Masiduri, Casibari, Daimari, Guadirikiri, Ayo, Huliba, Bushiribana, Canashito, Macuarima (number di un cacique), Mahuma, Urataka, Kibaima, Malmok, Manchebo, Basiruti.